

Nsân saba syãŋ wuhu kaplãn

Syaha fla nge

¹ Ndoo kê ye Yesu kãndeyãrfa yahaseefua. N saba nwo yrũhũ ye Yesu kãndeyãrfa yawãhã gii kê ke ma ye fla na tesẽ pe yawãhãfa byε ne. Ye byε ntãŋ dye ra tãŋ cĩnde, ndoo ya sã kê ye, mpãy byε pe le cĩnde Yãhã kapãn cã, ye ntãŋ dye pe bya tãŋ.

² Wo Yãhã cĩnde wĩ sya le yaha wo laam wo, le n kuee yai tãŋ wo ye. Koo kê ye ntãŋ n dye wo tãŋ.

³ Wo Tuhufua Yãhã tesẽ ke Dya Yesu Crise ne, ke ke laantãr yar wo byε na, ke wo fen di, ke ke yrĩŋ wãã wo kê. Ke yõ wo na koo ngĩ ne, wo n waha taha Yãhã cĩnde wĩ na, wo ntãŋ n maha dye wii tãŋ.

⁴ Wo Tuhufua Yãhã tuu wo yar wo naa n pye mii, n ba ye yawãhãfa mpãy yãã pe n pye koo syi, ma nii n taha Yãhã cĩnde na. Loo tãŋ ter ra ye.

-Too tyii wo ntãŋ naa n dye wii tãŋ!

⁵ Yii Yesu kãndeyãrfa yawãhãfa byε, ya'a n faha kapãn nde na ye: -Too tyii wo ntãŋ naa n dye wii tãŋ! Kapãn nde tẽ yrũhũ yar ye na, kãnfuẽ sã ne ye. Le ba cãã yar wa wo na.

⁶ Yãhã wĩ ma n tãŋ wo ye, kãnde lii Yãhã le ta, wo le yãr, koo kê. Loo kãnde nde ne, pe ba ye

klaha le ne. Ye yai ye naa loo yār; ye tyii ye ntāŋ naa n dye yii tǎy!

Kawar Crise

⁷ Ya'a yǎã, tē ye yar kai- ngĩ ne, -ye cã ye yee, kawarfuafa yi nihi driyẽ wo, ma sye ma yee, Yesu sē pa driyẽ wo nawee kadye ne cĩnde ye. Wii ma yee ke syi, ufua nawee- kar n yaha, u maha ma kawar Crise.

⁸ -Ye yii yigi, ye ma syi ye ba ta, wo tēn n yi wāwaha na ye. Ya'a yii yigi, ye ga ba ye tēn dāān bye yǎã.

⁹ Wii ma Yesu kaklaha gbe, ma -sē nkāy ter le taha ke na, nkāy syi ke wee Yesu kaplāŋ ye, ufua wee Yāhā ne ye. Wii ma kuee kaplāŋ nkāy wo Yesu wo klaha, ufua ma Yāhā ne tesē Yāhā Dya bya ne.

¹⁰ Wii ma pa ye ye, kaklaha nkāy ter syi ne ke wee Yesu kaklaha ne wācēŋ ye, ye ma syi ye usyifua gbihi yigi ye, ye ma syi ye naa u kue gē yāŋ ye.

¹¹ Ye ma usyifua kue yāŋ, le ma mii ye wlāhā n yār u ne u kāmpee wo.

Kaplāŋ kuasaha

¹² Kai- busāã ma ra ye wātōr wūhū ye ye. N sē n ke n ke bye yrūhū le saba wo ye. N n ke ndoo gē n ba ka ye fla na, n ga ke kai- pāã ye ye yē ne, le n nii wo bye ye nuhu wĩ.

¹³ Yesu kāndeyārfa yawāhāfa mpāy pe ma nwo, pe ye syar.

YĀHĀ NAAMBIYĀRFĀN SABA
Karaboro, Eastern: YĀHĀ NAAMBIYĀRFĀN SABA
New Testament

copyright © 1993 Wycliffe Bible Translators, Inc.

Language: Eastern Karaboro

Contributor: WBT Central Zone

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

15120496-00e2-503a-8d40-2d7cfdc1ba5b